

**Облыстық халық шығармашылығы және мәдени-демалыс қызыметінің орталығының мұрындық болуымен, Наурыз мейрамына орайластырылып өткізілген аймақтық ақындар айтысы. (22.03.2009ж)**

## **ӘЛІБЕК СЕРГАЛИЕВ ПЕН ЖАРҚЫН ЖҰПАРХАННЫҢ АЙТЫСЫ**

### **ӘЛІБЕК:**

Айтысып жүрген едім әркімменен,  
Ал бүгін шыға келдім Жарқынменен.  
Не болса да бұл Жарқын күте тұrap,  
Амандастып алайын халқымменен.  
Ассалаумағалейкум, сәлем бердім,  
Өздерің ұнататын салтыңменен.

Бисмилла, енді кетсін таралып ән,  
Аз емес бисмилласыз табар күнәм.  
Ақайыңың өлкесі аманбысың,  
Ажары асып тұған заманынан.  
Ұлыстың ұлы күні құтты болсын,  
Марқабат шапалақ көп алар бұдан.  
Қызылжардан кім келіп кім кетпеді,  
Нер алып дархан жазық алабынан.  
Бұл жерде батыр Баян жауға шауып,  
Намысты құлатпаған талабынан.  
Бұл жерде Серіз сері бабамыздың,  
Үні шыққан домбыра шанағынан.  
Бұл жерде Бұқар бабам датын айтып,  
Бұл жерде Абылайдың қаны ағылған.  
Бұл жерде мен жастарға сенемін деп,  
Мағжанның жыры тұған қаламынан.  
Ахметжандай бабамыз көсілгенде,  
Басқасы баса алмаған балағынан.  
Осында текті жерде жырын айтып,  
Алдыңда самғамақшы бала қыран.  
Ал енді самған жатса бала қыран,  
Қалың ел қолдау сенің тарабыңнан.  
Орта жүзім қол соқсын деп тіледім,  
Арғын, керей, атығай, қарауылдан.  
Көрермен ниетпенен дәм татыңдар,  
Өлеңмен тұздықтаған табағымнан.  
Тірекіңе айналмай тұра алмадым,  
Жүргегімнен жатқасын таралып ән.  
Ау, көрермен, жас балаң самғанда,  
Қолдаған рең таныт қабағыңнан.

Ахметжанның көзіндегі мен сөйлесем,  
Мағжанның жасы шықсын жанарыңнан.

Айтыста біреу әлсіз, біреу мықты,  
Бәрі де ақындығын тіреу қыпты.  
Жарқын аға, аманбысызы, сізді көріп,  
Жасқанып кеудедегі жігер бітті.  
Жарқын деген жарқын атқа қарағанда,  
Кезіме елестеткем бір елікті.  
Ай, бірақ елік емес басқа сор бол,  
Қызылжардың жалпағы тіленіпті.  
Қызылжар аққайыңның өлкесі ғой,  
Мен саған жыр айттайын, міне құтты.  
Қызылжар тал мен құттың өлкесі ғой,  
Жұртыңыз талмен бірге жыр егіпті.  
Талды жерден тал шыбық шығады десем,  
Енгезердей еменін жіберіпті.

### ЖАРҚЫН:

Әлібек қарап тұрсам заржақ қандай,  
Отырың құйысқанға май жаққандай.  
Сахнада отырып желлінесің,  
Қызылжарға бірдене орнатқандай.  
Тал шыбыққа мына мені теңеп жатсың,  
Құдай- ау, саусақ қандай, бармақ қандай?  
Мысалы, Дәстен ағам мен секілді,  
Анамыз ақын үлді толғатқандай.  
Ал Әлібек ақ сүтке жарымапты,  
Салаға жаңа келген солдаттардай.  
Құйын жырмен Қызылжардан ұшырайын,  
Қай жерді паналайсың қаңбақ шалдай?

Ассалау мағалейкүм!  
Алты Алашым,  
Тойларың таң атқанша тарқамасын!  
Кекшетаудан ақындар келеді деп,  
Біздің ел дайындағы сахнасын.  
Жыр күренін мінген соң ауыздықтап,  
Қызыл тіл қиялардан жол табасың.  
Тұлпардай тыптырышыған көмбесінде,  
Айтыс десе басталады жанталасым.  
Ұлдарыңа арда қазақ сенім артып,  
Жырларына айқайлап қол соғасың.  
Шабайық Құлгердей құйындастып,  
Кере алмастың көздері қан таласын.

Жас қырандай томағам сыптырылса,  
Қас қырандай көк шағылдан байқаласың.  
Жаңа шапқан құнан ем құндақталған,  
Қара сүмек болайық қан тарасын.  
Айқайла, рухтанып аққан қазақ,  
Батыраш балталаса, балталасын!!!

Ал, Әлібек, таныса бер енді көппен,  
Ақынсың ел жүргегін елжіреткен.  
Екеуміз де Алаштың ұрлагымыз,  
Ұлттарды біріктіріп елдік еткен.  
Көгеннен көп өлеңді ағыта бер,  
Сол өлең шабыттанып келді көптен.  
Ұлыстың ұлы құні құтты болсын,  
Ырыстың нұрын шашып келді қөктем.  
Еліміздің ақтайыңы бүршік жарды,  
Жастарымыз арапап серілік еткен.  
Жас балаңды ағайын қолдап жібер,  
Көк туын көк аспанда желбіреткен.

Әлібек кетесің ғой жиі ақталып,  
Домбыра шанағынан күй ақтарып.  
Ахметжан кезімін деп қоясын,  
Қызармай, өз жайын үят қалып.  
Шал ақын ауданының тайыншасы едің,  
Көзіме оттай басылдың қияқтанып.  
Жайылыш Қызылжардан шығып кетіп,  
Қалдың ба Қекшетауға тұрақтанып?

### **ӘЛІБЕК:**

Кетеді бүгін өшім кімде менің,  
Жөн бе екен бүгін бұлай үнделгенің.  
Қекшетауда оқысам да туған жерім,  
Шал ақын мына менің іргелі елім.  
Сегізінші сыныпта алғаш рет,  
Айтыстың алаңына кірген едім.  
Ол кезде айтисуым былай тұрсын,  
Домбыра тартуды да білменп едім.  
Ол кезде ақын да емес, батыр емес,  
Жай әншейін балапан бірдене едім.  
Сахна мәдениетін менгермеген,  
Ұнап еді сөздерім кімге менің?  
Ол кезде бұл баладан түк шықпайд деп,  
Газетте масқара бол жүрген едім.  
Бірақ та Қызылжарым сен тұрғанда,

Құлақты ондайларға түрмеп едім.  
Әйтеуір содан бері уақыт өтіп,  
Бүгінде жобаланды жыр дерегім.  
Бетімнен бір қайтарып көрген жоқсың,  
Ұлының тектілігін білген елім.  
Бұл күнде айтысуға жарап қалдым,  
Айтыста болмасам да жүлдегерің.  
Қиядағы балаңды қолдан отыр,  
Ұядығы қанат қаққан іргелі елім.

Бұл бізден тектілікті үғар ма еді,  
Осылайша өлеңін құрар ма еді?  
Құлагердей шабайық деп қойасың,  
Шаба алмасаң жұрт сені сынар ма еді.  
Құлагердің өткенін білгің келсе,  
Құлақ түріп тыңдағын мына мені.  
Құлагер Кекшетаудың даласында,  
Батыраш балтасынан құлап еді.  
Елімнің жас тұлпары мерт болған соң,  
Тегінде жасыл көздер жылап еді.  
Құлагердің әзіндей болмаса да,  
Құлыны деп ойланадар мына мені.  
Шал ақынның шабытын арқаға сап,  
Құлагердің құлыны шыға келді.

Келдің бе бүгін бізге тіресуге,  
Келдің бе қасарысып сіресуге.  
Дәстен ағам дәл мендей толық дейсің,  
Ақылды сөзді ойға ілесің бе.  
Дәстен деген белгілі ақын еді,  
Лайық болған сал деген ұлы есімге.  
Сен деген жиырмада емес пе едің,  
Бітімің сай келгендей құресуге.  
Негізі сол Дәстеннің жас кезінде,  
Талшыбықтай болғанын білесің бе.

Сөздерің отыр бүгін лай секілді,  
Балпыып отырысың ғой бай секілді.  
Сендері алабатпан салмақ барда,  
Біздегі алпыс кило жай секілді.  
Ағасы киіз үйдей домалақсың,  
Бұл жерде қарасам да қай шетінді.  
Сен тұрсың соғымдағы жылқы құсан,  
Мен тұрмын жарап қалған тай секілді.  
Арықпен семіз шықтық айтысуға,

Табақтағы етпенен май секілді.

Сен өзі жырлары бай Жарқынбысың,  
Жоқ өлде сылдыр сөзді салқынбысың.  
Дәстен сені мықты ақын деп айтып еді,  
Қарсыласқа жететін жарты күшің.  
Керемет мықтылығың көрінбей тұр,  
Шабытпен айта алмаған ән құрысын.  
Ағасы терең-терең сейлесеңші,  
Сен мықты ақынсың гой халқың үшін.  
Жоқ өлде көтер алмай жатырмысың,  
Жұртыңның саған деген тартылышын.  
Қарсыластың бар бағы қарсыласта,  
Мен келдім осы жайды айту үшін.  
Бұл Жарқын обалыма қала ма деп,  
Тарылып бара жатыр бар тынысым.  
Әйтеубір ешкімгеде зияны жоқ,  
Жарқын десем әйтеуір Жарқынымсың.

Бұл күнде Жарқыныңа тамсанар көп,  
Танытты кеше бізге алшаң әдет.  
Құдайберлі ағаммен кеше кешке,  
Келіп едім Кекшеден шаршаған бол.  
Өткен жолы Жарқын маған қоңырау шалған,  
Келсөң болды жақсылап қарсы алам деп.  
Ал кеше қолым тимейді, тойдамын деп,  
Соның өзі білгенге жақсы-ақ әдет.  
Үмітімді ақтамай кеттің, аға,  
Ендеше неге айтасың қарсы алам деп.  
Айналып үйімізді таба алмадық,  
Қызылжарды білсөніз қашама рет.  
Біз жүрдік бүгін қайда қонамыз деп,  
Сен жүрдің тойда қанша аламын деп.  
Кеп қалған қонағыңды кері тептің,  
Келіннің табагына жан салам деп.  
Осыдан соң Қызылжар айта алмаспыш,  
Қонақтан әр қашанда шаршама деп.  
Досыңды танымай кеткенсің бе,  
Тойларда асаба бол ән саламын деп.

### **ЖАРҚЫН:**

Әлібек мына жырың бәлек екен,  
Ойыңа қай-қайдағы келеді екен.  
Мың сөзіңе бір сөзбен жауап берсем,  
Көрермен ол сөзіме сенер мекен.

Үлкеннің аты үлкен інішегім,  
Ол өзі қайталаңбас дерек екен.  
Қазағымның бір мақалын мен айтайын,  
Орны ол мақалдың бөлек екен.  
Толықпен арық болып айтысқа кеп,  
Айтпай оны бұл жерден неге кетем?  
Түйелер ойнақтаса кең далада,  
Ешкілер тауға шыққан серек екен.  
Әлібек сол түйені жел тербесе,  
Ешкіні көктен ізде деген екен.

Көздерің Бурабайдай көл секілді,  
Сөздерің үйытқып тиғен жел секілді.  
Көкшетауда бас бәйгені алыпсың ғой,  
Қарсылсты қайтарған ер секілді.  
Бір машина мініпсің құтты болсын,  
Өсе бер бұл қоғамда мен секілді.  
Онан кейін аламанға барыпсың сен,  
Айтысың қек жәшіктен көрсетілді.  
Сол айтыста Қызылжар деп айтар десем,  
Көңілің Көкшетауға кең секілді.  
Бұл айтысқа келмеймін деген едін,  
Қызылжар аяқ баспас жер секілді.  
Ағаларым айтқан соң келіп қапсың,  
Айтушысын өзгерткен ән секілді.  
Енді маған күтпедің деп ренжисің,  
Әлеке, айта берем қай шетінді.  
Қытайдың тауарындағы мың құбылған,  
Жігіттер көбейіп тұр сен секілді.

Отыр ма, Әлібектің есі қалмай,  
Дүбірінен Қызылжардың шошығандай.  
Көкшетауға есемді жібермеспін,  
Шал ақын, Мағжандардың көші бардай.  
Ғабиттердің кесек- кесек қара сөзін,  
Табақ қылып тартайын шашып алмай.  
Өткен жолы Әлібек ренжіпті,  
Грант бермеді деп осы маңға-ай.  
Содан кейін Көкшеге кеттім депсің,  
Қызылжардың көшіне қосыла алмай.  
Ал мен болсам грантта оқып жүрмін,  
Сырымды ақтарайын шашып алмай.  
Әлеке, тоқал ешкі тасқа шығар,  
Мүйізін жүрсө де ол есіре алмай.

Әлібекті Көкшеге жібермеспін,  
Мәселесін осы жерде шешіп алмай.

**ӘЛІБЕК:**

Сыныңды айтпайсың ба жөніменен,  
Жатыр ма қара сөзің болып өлең.  
Мен Көкшеде студенітпін қол қойылған,  
Ғылым миністірлігінің мөріменен.  
Көкшетау мен Қызылжар егіз еді,  
Ол шындық жасырайын оны неден.  
Көкшетауға кетіп қалсам несі жаман,  
Асқаров Еріктердің жолыменен.  
Габиттер де Көкшені айтып өткен,  
Сырласып Сексенкөлдің көліменен.  
Мағжандар да Кекшені жырға қосқан,  
Ал ендеше көмейден ағыл өлең.  
Бірақ бұлар қызылжарлық болып қалған,  
Ешкімнің былышы жоқ соныменен.  
Арғы жағын қоларып мен қайтемін,  
Арғынның баласымын соны білем.  
Әдіресім орта жүздің подъезі,  
Тіркелген атығайдың нөмірімен.

Неіліктен жырымызға күмәндәндің,  
Ұлы едік баласындаі бір ананың.  
Қызылжарға келмеймін деп айттың дедін,  
Осылай бүгін бізге жыр арнадың.  
Мәселенің мән-жайын біліп алмай,  
Жөн бе екен бүгін бізді сынағаның.  
Ажал деген аяқ асты келеді де,  
Тағдырдың жазғанымен тіл аламын.  
Таныс ақын қайтып кетіп кеше кешке,  
Осылай мәннің жайын ұға алар кім.  
Көнілімді айттып шықтам үйіне барып,  
Осылай жауап беріп тұра алармын.  
Не болса да алдыңа келдім міне,  
Жөн болар екпініме шыдағаның.  
Бәрін айт та бірін айт, ағайындар,  
Сіздерменен көріспей тұра алмадым.

Уақыттың шығарайын жиып түбін,  
Жырымды айта алмадым биік бүгін.  
Құдайым бақпен бақты бірге берсе,  
Әлі де шауып келер сүйікті ұлың.  
Қалың елім, сіздерге алғысым зор,

Кеп қалған уақытты қызып бүгін.  
Қаратаудай балаңа тіреу болсын,  
Алатаудың шыңындағы биiktігің.

### **ЖАРҚЫН:**

Әлібек бұл Жарқынға беттеппедің,  
Жөн еді қара өлеңді көктеткенің.  
Бұлар өзі Қызылжарлық боп қалған деп,  
Жарқынды сен бұлайша шеттепегің.

Айналып Әлібек!  
Тегіме тиіспе сен менің,  
Алыста жүріп Қызылжар,  
Таза ауаңа шөлдедім.  
Шетте жүрсем қазақ боп,  
Артық қой менің өлгенім.  
Көкбайрақты көрген соң,  
Бір ұлың болып келгенмін.  
Қызылжарыма рахмет,  
Жүрегімді тербедің.  
Барлығы қандас бауыр дейд,  
Сен болсаң қылыш сермедің.

Әлібек Көкшеден келет деп,  
Өнге салып беред деп,  
Жастары ұзақ болсын деп,  
Қолдарын жайды көрілер.  
Қожаберген туған қара қос,  
Қара нанның дәмін көр.  
Абылай жортқан кең алқап,  
Ақ үйінің сәнін көр.  
Ағынтай мен Қарасай,  
Ескеріткішінің барын көр.  
Абай мен Пушкин қатар тұр,  
Өситетіне сеніндер!  
Мағжан ата көшесі,  
Жарқырап тұрған тұнін көр.  
Халқым өзің қолдасаң,  
Ұлың едім «Елім!», – дер.  
Қалағанымды берсендер,  
Ертеңіме сеніндер.  
Мұтәллап ағам дара ақын,  
Дара ақынның жолын бер.  
Зейнолла ағам өр ақын,  
Өлеңінің нәрін бер.

Дәстен ағам әнін бер,  
Қайырлының сөнін бер,  
Қызылжар атын шығарар,  
Жұрегіме жалын бер,  
Бір Аллаға бас ием,  
Қайтпас маған дарын бер,  
Қызылжарлық ағайын,  
Осы айтқанның бәрін бер.  
Ал енді мен де тоқтайын,  
Шап десе қалай шаппайын,  
Үкілеген елімнің,  
Үміттерін ақтайдын.  
Оза шаппас айтыста,  
Қонақ болып келіндер.

### ӘЛІБЕК:

Төгілді көмейіңнен шіркін өлең,  
Қарап ем мәннің жайын сыртыменен.  
Қызылжарда анау бар, мынау бар деп,  
Байқасам балаларың құлпырды кең.  
Мен саған неменеге таң қаламын,  
Осылай болып жатса сыртың өлең.  
Ақиқатты еліңе неге айтпайсын,  
Жырыңнан шықпай ма өлде шіркін өлең.  
Жұтаған ел мақтанар жұртыменен,  
Ашыққан ел мақтанар құртыменен.

Жарқын-ау, шындығымды анық дерсің,  
Ал енді көрермендер шабыт берсін.  
Мақтасаң басшыларға айттарым бар,  
Халықтың үмітіне жарық берсін.  
Тесілген ойқыш-ойқыш жолдарымда,  
Тегістеп қайта жөндең салып берсін.  
Қалаңда Погодина, Миралар бар,  
Орысша Көкшелерден жалықты ел шын.  
Осындаі ақиқатты жөндең алшы,  
Тағы да ақын ұлың шолып көрсін.  
Қазақты қазақ қана қазақ қылып,  
Қазақты қазақ қана дәріптесін.

## **ЖАРҚЫН ЖҰПАРХАН МЕН ҚҰРМЕТ ҚҰРАЛХАННЫҢ АЙТЫСЫ**

### **ЖАРҚЫН:**

Өркениеті елімнің тыныштығы,  
Әлеуметті жағдайдың дұрыстығы.  
Дағдарысқа қармассың арда қазақ,  
Майсып кетсе дағы қылыш қыры.  
Ассалаумагаликум! Құрмет досым,  
Айтысқа шыққандайсың ұрыс күні.  
Тамаша бір айттысты біз жасайық,  
Көрініп көнбек жақтан жыр ұшқыны.  
Бәрін айт та, бірін айт Құрмет досым,  
Құтты болсын кеп қалған ұлыс күні.

Құрмет досым қарсылас қасымдағы,  
Қара сөзді таспалап тіліп педің.  
Ақын деп елің сені жібергенде.  
Кемейдегі жырыңды ірікпегін,  
Аққайыңдар өлкесі Қызылжарда,  
Есілдей толқын үрып тұнып па едің?  
Өлеңнің майын ішіп жүрмесем де,  
Шағып жүрмін ағайын, жіліктерін.  
Қалқым өзің ұлыңды қолдан отсан,  
Беттепспін Кекшениң жігіттерін.

### **ҚҰРМЕТ:**

Тамырдай тарихын бар тарапатын,  
Өнгө бөлеп кетейін бар алабын.  
Сен деген Қызылжарым көне қала,  
Екі бірдей есіммен аталатын.  
Ахметжан Нұртазиіндегі асылдарың,  
Өнермен ұштастырған атар таңын.  
Солардың ізін жалғап Дәстен сері,  
Айтысқа төтіп жүр ғой шапағатын.  
Қызылжар рухың биік халге жеттің,  
Наурыз көже әр үйден тата алатын.  
Иманы бар ел бүгін жиналышты,  
Алланың сезінген соң маҳаббатын.  
Ұлыс құні ағайын құтты болсын,  
Бұл құні ел аяmas шапағатын.

Аман ба, Жарқын жігіт жарқылдаған,  
Дауысы қыран құстай саңқылдаған.  
Ақанның елінен мен келіп тұрмын,  
Дауысым бар менің де қаңқылдаған.  
Қаңқылдақпен саңқылдай айтысайық,  
Болмасын деп тіледім арты жаман.  
Сен деген Қызылжардың ақынысың,  
Өзгеше ғой көзқарас жалпы саған.  
Бірақ Құрмет балаң өгейсімей,  
Тебенізден жарықты тартып алам.

Белінбес бүтін жүртүм біз дегендей,  
Себебі бізден үміт үзбегендей.  
Шап десеніз мен шабам тұра бермей,  
Отырсың ғой ағасы күзгі емендей.  
Ай, Жарқын сырыңызды білеміз ғой,  
Қылымсі кетуші едің қыз дегендей.

Менімен шыққан кезде бір түрлі боп,  
Тітіркеніп отырың тұз жегендей.  
Ал қане түқ қалдырмай бәрін жырла,  
Тақырбастан қайызғақ іздегендей.

### ЖАРҚЫН:

Қара өлеңге жүргегім құмар едің,  
Қызылжарда жортып жүрген құлан едім.  
Көкшетаулық қос ақынмен айттыстым ғой,  
Жағамнан жармасады мына менің.  
Екеу түгілі онымен айттыссам да,  
Мен бүгін барлығына шыдар едім.  
Жарқындей ақынына сеніп отыр,  
Қызылжарлық Құрмет жан қырын елім.

Құрмет бала, сенің көркің бөлек екен,  
Тақылдаған тандайың ерек екен.  
Шыға салып емендей деп қойады,  
Екі көзі мені ғана көреді екен.  
Ал өзі тал шыбықтан аумай қапты,  
Алға бастар біздерді өлең екен.  
Көрерменнің қос жанары жәудірейді,  
Оған енді дағдарыс себеп екен.  
Бірақ та ел мұнайып отырған жоқ,  
Жаңа жыл жаңа бақыт береді екен.  
Ұлыс күні Қызылжарға ағайындар,  
Қыдыр ата қыдырып келеді екен.  
Дағдарыстың шідері шірісін деп,  
Ақ батасын қазаққа береді екен.  
Расында көк жоталы көкпар елім,  
Дағдарыс мағдарысқа көнeme екен.  
Осылайша дағдарыс бол жатқанда,  
Арықтардың хал-жайын өлең етем,  
Арықтарға дағдарыс қысын болар,  
Ал, семіздер жайлап күнін көреді екен.

Толық деп тергегенше Құрмет жігіт,  
Досыңың жетпейсің бе бағасына.  
Ағайын мына сені қолдап отса,  
Құлагердей көсліп шабасың ба?  
Бірақ сенің қаралығың қарап тұрсам,  
Негірге де жақындал қаласың ба.  
Осы жерден кезегімді берейінші,  
Көкшетаудың Құрмет деген қарасына.

## **ҚҰРМЕТ:**

Қол бұлғап шақырғанда мұрат алдан,  
Қобыздей күніреніп тұрады арман.  
Жарқын-ау, бекер тиістің қарасың деп,  
Қақпада қарамын деп ұран салам.  
Қайыспас қара қазақ сен едің ғой,  
Қасқайып қарап тұрап құба таңнан.  
Құралханның ұлы едім Құрмет деген,  
Халықты қара сөзбен жұбата алған.  
Қара көзден тамшылап жас аққанда,  
Қара жерім сүйіп тұрып уата алған.  
Қайратты қазағымның қара ұлымын,  
Қара жердің төсінен қуат алған.

Күн бүгін расымен шаттанатын,  
Орамды ойды кез болды ақтаратын.  
Жарқын-ау, жалыны жоқ сөздеріңе,  
Жайым жоқ мына менің қақталатын.  
Айтысқа шыға қалсам ақын біткен,  
Дейді ғой неге маған қап-қарасың.  
Деген соң бәрі бірдей қап-қарсың,  
Болды ғой сорланатын шақша басым.  
Ақындарға бұдан кейін өтініш бар,  
Қап-қара деген сөзге тоқтамасын.  
Негірдің тастап кеткен баласындаі,  
Шыныменен бір түрлі боп қаласың.

Адамға керек рас төзім ғана,  
Жалғастырып кетейін сөзді ала.  
Көкшетаулық қос ақынмен айтыстым деп,  
Айтып жатқан Жарқынның ойын қара.  
Ол рас біз Көкшеден келген кезде,  
Маңдаймызға жазылышың өзің ғана.

Жарық-ау, сөздеріңіз оқ секілді,  
Көңілі бұл Жарқынның тоқ секілді.  
Дағдарысты айтып кеттің жаңа ғана,  
Мұнайатын жайларың көп секілді.  
Десе де дененізге қарап тұрсым,  
Қызылжарда дағдарыс жоқ секілді.  
Домаланып жаныма жайғасылсың,  
Алсайыттан теуіп жерем доп секілді.

## **ЖАРҚЫН:**

Күшім бар саҳнада бүріп кетем,  
Қармагыммен су түбіннен іліп кетем.  
Алсайыттан теуіп жерем деп қойады,  
Оныңды мен ойыма түйіл кетем.  
Қақпаши болсан Құрмет, абай болғын,  
Әйтпесе қақпаңа кеп кіріп кетем.

Қызылжар деген қалам бар,  
Кеп ұлытты деген қогам бар.  
Ақындардың ақыны,  
Ерік Асқаров ағам бар.  
Елуге биыл толады,  
Сенбесендер санаңдар.  
Тойын жасап Еріктің,  
Барлығың да жарапдар.  
Шындықты елім айтайын,  
Бәрің де бері қараңдар.  
Аққайыңың елінде,  
Атығайдың жерінде,  
Қарыттар үйіне қамалған,  
Әкең менен анаң бар.  
Қызымыз шылым шегеді,  
Жанбай жатып сөнеді.  
Ұлдарың тұллар бола алmas,  
Шаптай жатып табандар.  
Жастармыз қайда барады,  
Ертеңіңе алаң бар.  
Айналайын, жастарым,  
Ұғындар енді санаң бар.  
Басекелі бола алmas.  
Биіктерге де бара алmas.  
Қамшы бассаң да шабанға,  
Құлагердей шаба аламас.  
Тілінді көтер бүгіңгі,  
Дінінді қорға бүгіңгі.  
Игілігіне елдің жарасаң,  
Боларсың сонда білімді.  
Ақыл айтты демендер,  
Үлкен кіші қартыңа.

## **ҚҰРМЕТ:**

Керек емес күмсің де алтының,  
Осыменен доғарайық, Жарқыным.  
Көптеген сөйлем расымен кетің ғой,  
Ұнатпайды халқым дағы артық үн.

## **ЖАРҚЫН ЖҰПАРХАН МЕН МҰХАММЕД ҚОНҚАЕВТЫҢ АЙТЫСЫ**

### **МҰХАММЕД:**

Толықпен айтысқанды ұнатамын,  
Екеуміз баласымыз бір атаниң.  
Аға тұрып іні сөйлеу қай жерде бар  
Алдымен өзің баста братаным.

### **ЖАРҚЫН:**

Қарсы шауып тайсалмай бар ағысқа,  
Бізге әлі жеңістің жолы алыста.  
Шыға сала орысша айтып жатсың,  
Ауылышы мына сенің әлі алыста.  
Брат демей інішек аға десей,  
Өтінемін ана тілді таза ұста.  
Бірақ сенің түріне қарғанда,  
Ұқсатамын мен сені таза орысқа.  
Таза қазақша Мұхаммед айтысайық,  
Өтінемін мына сенен пожалуйста.

Арқырып шықтым мұнде ай, халайық,  
Айтыс десе қалайша жай қалайық?  
Алла деп алдарыңа шыға келдім,  
Бес қаруды сақадай сайлап алып.  
Еліміз бостандықты тойлап жатса,  
Біз қалай қуаныштан жай қалалық.  
Өткен жолы Нұргұл мені жеңіп кетті,  
Сара ақынның сөздерін пайдаланып.  
Сонда Ринат, Айбектердің сөзі айтылды,  
Бұл жағына енді ағайын ойланалық.  
Тेңші де оларды сезбей қалды,  
Жатқандығын ойларды қайдан алып.  
Ақындар өзге ақынның сөзін айтса,  
Кеткені емеспе оның майдаланып.  
Ақын деген өз сөзін айту керек,  
Сондықтан ұлы өнерді қорламалық.  
Нагыз ақын осы жолы жүлде алсын,  
Ақын деген атқа енді сай болалық.  
Бәрін айт та бірін айт, аман ба екен,  
Ақындарды ардаған арда халық.

Алла десем ақ сөйлеп ел алдында,  
Көмейде қызыл тілім терлейді де.  
Айтыстың қадіріне жетпеудеміз,  
Бүйте берсек төл өнер өлмейді ме?  
Мысалға осы айтысты түсіруге,  
Облыстық теларна келмейді де.  
Жоқ әлде, сонда отырган Ерлан ағам,  
Айтыс десе көңілін бөлмейді ме.  
Қалалық арнаға да өкпеміз бар,  
Кек жәшіктен өзгелер көрмейді ме?  
«Диалогқа» қиятын бір сағатын,  
Айтысқа да ағайын бермейді де.  
Кәрістің қатындарын емес халық,  
Алаштың ақындарын көрмейді ме.  
Сүлейменнің киносын бергенінше,  
Сүлейлердің айтысын бермейді ме?

Бұл қоғам тәуіптердей құбылып тұр,  
Қызыл тіл қынабында шынығып тұр.  
Жаңа жылдың шыршасын жағып қойдық,  
Ал енді осы жайдың сырын ұқтыр.  
Тәуелсіздік Жаңа жылмен келген жоқ қой,  
Бұл жағынан түсінбестер бірігіп тұр.  
Бостандық үшін өткен боздақтардың,  
Кез жасы шамшырақ бол ілініп тұр.  
Бабам үшін қымбат болған тәуелсіздік,  
Шыршаның бұтағында тығылып тұр.

Ақындар шабыттанса Құлагердей,  
Көрермен шапалақты ұрыңыздар.  
Тәуелсіздік үшін жанын құрбан еткен,  
Ләzzат, Сәбирадай қызымыз бар.  
Оқ тисе де рухын құлатпаған,  
Қайраттай қайсар туған ұлымыз бар.  
Бостандық деп үмтүлған боздақтарың,  
Қыршыннан кеткендігін ұғыңыздар.  
Солар бізге бостандықты сыйлап кетті,  
Өзгелерден болса да сұық ызғар.  
Міне, осылай жеткен бізге азат құнді,  
Дей алмаймын жаңа жылға бұрыңыздар.  
Шетқұрьттық мерекенің қалқасында,  
Тәуелсіздікті өлтіретін түріміз бар.

Мұхаммед қасымдағы қапталдасым,  
Ағасы бүгін қалай шаттанбасын?

Мұхаммед азamatша айтыс жаса,  
Бөз біреулер жүнжіген бе деп қалмасын.  
Шабайық «А, Құдайлап, Абылайлап!»  
Айтысатын біздерге сәт болғасын.  
Балағымнан бұл менің тістеймін деп,  
Табанымның астына тапталмасын  
Айыртауы үкілеп шығарғанда,  
Шаң жұтып арт жағымда қапқалмасын

### **МҰХАММЕД:**

Тіліңе тиек болды-ау сарылышым,  
Осы ма ой-қырдағы бар ілімің?  
Сарыны келемеждең отырған ұл  
Біле ме бидай менен тары құнын?  
Көзінді ашып қара сары емес пе,  
Төбеннен шуақ төккен жарығының?  
Алтынның түсі ол да сары емес пе  
Бағасын жоғалтпаған әлі бүгін?!  
Сары болсам от болып лапылдаған  
Қожаберген жыраудың жалынымын.

Нәр алған Саумалкөлдің тұнығынан,  
Бойыма сүтпен сіңген ұлы мұрам.  
Қыраның мен боламын қанат қаққан  
Түлеген Айыртаудың тұғырынан.  
Армысың қызылжарлық қандастарым  
Құлан да құтылмайтын құрығынан.  
Сәбит пен Ғабиттерді көзі көрген,  
Айналдым асылдардың сыйығынан.  
Сендерсің күреңбайкөз көрermenім  
Құлагерін таныған құлынынан.

Ақын боп елдің мұңын айтам дәйім,  
Несіне сахнада шайқалайын.  
Айтысқа шықтағалы көп болдығ ой,  
Ал енді рахаттанып жай табайын.  
Өткен жылғы айтысқа келе алмадым,  
Қалайша жағдайды байқамаймын.  
Масқара алай-дүлей боран болып,  
Ауданнан шығы алмадық, айтам жайын.  
Сол айтысқа тәрт ақын қатысыпты,  
Мына менсіз өздері қайқаңдайын.  
Осы жолы рухтанып өзім келдім,  
Қолдасаң шабыттанып жайқалайын.  
Айтыс сайын жұлдесіз кетуші едім,

Бүгін енді барлығын тойтарайын.  
Құлышың құнан болды мына таңда,  
Осыны барлығыңа қайталаймын.  
Ал ағайын, батамен дұға жаса,  
Бар ақыннан есемді қайтарайын.

Армысың айтыстағы алтын қыран,  
Деймісің төтті сөзбен бал тұндырам?!  
Сенімен жақсылап бір айтысайын  
Күе болып отырсын халқым бұған.  
Атыңа затың сай бол айтыса алсаң  
Жүзінді жұрт алдында жарқын қылам.  
Ал егер шабан аттай шаба алмасаң  
Онда маған ренжіме марқұм қылам.

Айыртау Қызылжардан шалғай екен,  
Тұрағын тұран жігіт тандай ма екен?!  
Тағдырым Жарқынменен жолықтырды  
Біткен сор бол жүрмесін маңдайға кең.  
Іздеген жан бойынан мін таппайды  
Қыпша белің үзілген талдай екен.  
Ол теңеу бірақ саған жараспайды  
Түріңе келер теңеу қандай екен.  
Бұрышы жоқ киіз үй ал немесе  
Жел үрлеп тұратүғын шардай екен.  
Еліңнің жүйрігісің топқа қосқан  
Ойымды одан әрі жалғай кетем.  
Бәйгеге қосқан аты сендей болса  
Соғымға соятыны қандай екен?

### **ЖАРҚЫН:**

Астапыралла!  
Не деп отыр мына бала,  
Ағасына қақланын құра алама.  
Марқұм қылам деп қояды қарсыласым,  
Айтқан енді сөзінде тұра ала ма.  
Ағасы үйитқып тұрған боран болса,  
Інісі бауырына кеп ыға ала ма.  
Інім деп мен өзінді көтердім ғой,  
Енді сен сын сөзінді сығалама.  
Ажал жеткен күні өмірден өтеміз ғой,  
Осыны Мұхамметім ұға ала ма.  
Сондықтан біз көсіліп шабайықшы,  
Шаңға бөгіп жатсыншы құба дала.  
Толықтықты сөз қылдың және інім,

Міне маған осылай беттедіңдер.  
Іә, Алла жар болып бұл пендеңе,  
Тектілердің етіп кеткен өткелін бер.  
Толық болсам ақ сүтіме жарығанмын,  
Үкіметтің ақшасын жеп жүр деп пе едіңдер.

Неменеге жетістің бала батыр,  
Айтысқа қолдаушы азайып бара жатыр.  
Бұл айтыс жоғалады, жоғалад деп,  
Дәстен ағам қол бұлғап жағада тұр.  
Бүйте берсе айтыстан айрыламыз,  
Інішегім сары бала қара да тұр.

Біздің қазақ қашан енді қозғаласың,  
Айтысың ала алмауда дәл бағасын.  
Қала күні мерекесі бола қаласа,  
Қонақтарды шақырып қамданасың.  
Әр кайсына мындаған доллар шашып,  
Азғантай атақтарын майданаңың.  
Ет сорпаңды соларға сораптатып,  
Қара халық жалайды қалған асын.  
Ал енді айтыс жасау десе болды,  
Көкелер ақша таптай зар қағасың.  
Экраннан көрсету былай тұрсын,  
Көшеге де інди्रимейді жарнамасын.  
Ағайын бұдан басқа не дей алам,  
Көз қырын бізге ешкім салмағасын.  
Ақыны мен батырын ардақтайтын,  
Заманың қайда кеткен арлы Алашым?!

Бұл күн үшін қасықтай қанын қиған,  
Арыстар нақ бағасын ал алмай жүр.  
Біздер үшін Колбинге де қарсы шыққан,  
Жастарымыз Сафуан Шәймерденовтей бола алмай жүр.  
Бес облысты жатқа бермей алып қалған,  
Жұмабек Тәшенов тұғырына қона алмай жүр.  
Ерік Асқаров арыстандай ақын ағам,  
Тарихын зерттеуге ешкім бара алмай жүр.  
Бүйте берсек өткенді ұмытамыз,  
Ертеңіне ағайын алаңдай біл.

Мынау менің қазағым,  
Қашан енді қозғалад.  
Жұмбек ағам атымен,  
Орталық көше атала,

Қазақтың бәрі мәз болад.  
Сафуан аға атымен,  
Мектептің бірі аталса,  
Мұның өзі аз болад.  
Ерік ағам атымен,  
Ақындар мектебі ашылса,  
Өлеңдері кетер еді-ау бір,  
Ақындардың жорғалап.  
Осыны айтар билікке,  
Табылмайды ма он қазақ.  
Өткенге салмай ақшаны,  
Банкеттерге береміз.  
Ақшаларды дорбалап,  
Менің мына қоғамым,  
Әтірікті қолдамақ,  
Шындық айтқан адамды  
Жұмыстан қыып, қудалап,  
Түрмеге тығып будалап.  
Жетектеп содан аламыз,  
Түйе секілді шудалап.  
Айтшы енді ағайын,  
Арысыздар қанша шуламақ?  
Кешегіге қарасам,  
Биліктің бұлты сұрланат.  
Өзгерген бізде түк те жок,  
Баяғы қазақ – сол қазақ!!!

### **МҰХАММЕД:**

Бақыт құсы Жарқын-ау, саған қонсын,  
Інің де бір өзіңе алаң болсын.  
Бұл ағам шындықтарды айтып жатыр  
Жарқын-ау, ертеңгісі аман болсын.  
Осыларың барлығына ойлайтұғын,  
Өткенді ұмытпайтын қоғам болсын.

Мұхамед ағасының сырын білсін,  
Інің бар жағдайды ұғындырысын.  
Байқасам мына маған қатты кеттің  
Несіне ағам мені түнілдірсін.  
Мұндағы жалғыз қонақ мен ғанамын,  
Ақының осы жаққа жырын бұрсын.  
Қонаққа шапан жауып, ат мінгізген,  
Інің сені тарихқа үңілдірсін.  
Тойға келген қонағын сабалайтын,  
Жарқын-ау, қонақайлық түрің құрысын.

Қарсы аламыз әдемі атқан таңды,  
Кешегі ұлылармен мақтан мәңгі.  
Тақырыпты қозғайын шама келсе,  
Негізі халық едік бақсан арды.  
Тарихқа көз жүгіртіп қарар болсам,  
Неге олай болған деп соққам санды.  
Ол заманда көрдік-ау, сойқандықты,  
Қазағым білуші еді сақтанғанды.  
Көрдік-ау, елді алдап өзі үшін  
Құзғын боп қырандарды қаққандарды.  
Көрдік-ау, ақша үшін, билік үшін,  
Өз ұлтын, тілін, дінін сатқандарды.  
Көрдік-ау, қолдарына мылтық алып,  
Қайраттай хас ұлдарды атқандарды.  
Талай жан осыларға қарсы шықсан,  
Орындаймыз деуменен ақ арманды.  
Жиырма екі жыл болды ғой азаттықта,  
Сұрадық жалбарынып Ҳақтан барды.  
Сондықтан да ағайын, ұмытпайық  
Азаттықтың алауын жаққандарды.

Кішкентай деп бастама бүлік бекер,  
Садақ түгіл сағыңыз сынып кетер.  
Одан да ағам болып құшақ жайып,  
Бауырым десен тұла бойым жылып кетер.  
Жайқалып бәйтеректей бүр жармаса,  
Шайқалып өсер ме еді шыбық бекер.  
Бар бәле кішкентайдан басталады,  
Ойында сейілмесін күдік бекер.  
Мысалы жұдырықтай таспен ұрса,  
Ұл түгіл ұлығың да ұлып кетер.  
Кішкентай от бөлмені жарық қылышп,  
Кішкентай кілттен қара құлышп кетер.  
Сен секілді домалақ қызыл алма,  
Мен секілді құрт түссе құрып кетер.

### **ЖАРҚЫН:**

Құрт түссе құрып кетер деп қояды,  
Ондай енді бос сөзінді қой қарағым.  
Осындағы бос сөздерді айтатуғын,  
Мен кейде інілерге ойланамын.  
Кемсітпедім іні сені көтердім ғой.  
Деп қояды құшағынды жай қарағым.  
Мен сені тышқан десем Мұхаммедім,

Өзіме пілмін десем жайланамын.  
Қызылжардың пілі ағайын мен болайын,  
Символына айналған кең даланың.  
Піл тышқаннан қорқады деген сөз бар,  
Ол енді шын мәнінде жай қарагым.  
Расымды ағайын айттар болсам,  
Мен енді тектілікке сай боламын.  
Тышқандардан қорықпайтын бұл әлемде,  
Жалғыз піл қызылжарлық мен ғанамын.  
Мұхаммед келіп қоншы занғарларға,  
Шындық айту қындау ойланғанға.  
Ақын деген елінің жоқтаушысы,  
Әр кезде ақынға Алла жар болғанда.  
Шешінген судан рас тайынбайды,  
Дерекпен дәйектері сай болғанда.  
Елімнің мұнын айтып өліп кетсем,  
Мына менде інішек арман барма.

Ақын шындық айтпаса сын болады,  
Бүгін қоғам басқаша сұрланады.  
Қылықсыз қыз, рухсyz ұл көбейді,  
Тор құрды жаһандану шырғалаңы.  
Мұрын менен кіндігіне тағылуда,  
Құлағына сыймаған сырғалары.  
Кей қыздар сыра ішіп, шылым шегіп,  
Денсаулыққа зиян десе тыңдамады.  
Бүгінгі қыз ертеңі ана емес пе,  
Тұрмыс құрмай ана құрсақ уланады.  
Содан кейін мүгедек бала туса,  
Құдайға не жаздым деп бұлданады.  
Қарғаның пейілімен өмір сүріп,  
Алланың мейрімінен құр қалады.  
Ал енді жөнге салар кей әжелер,  
Жтпісте арақ ішіп жынданады.  
Аналары араққа құмар болса,  
Балалары енді қандай үлгі алады?  
Жүргегінде иманы болмаған соң.  
Гүл кезінде сарғайып күл болады.  
Болашақтың бүгінгі түрі осындай,  
Келешегің қазағым кім болады?

Мұхаммед інішегім сөйлегейсін,  
Кешегі Еріктердің сынығы бол.  
Шындықты ағаңдай айта берші,  
Құлагердің соңындағы құлныны бол.

Сенің інім Жаратқан бағынды ашсын,  
Жүребер қазагымның бір ұлы бол.

**МҰХАММЕД:**

Қарайсың саясаттай айналаңа,  
Ағамыз салып жүр-ау, байбаламға.  
Қоғамның нашарлығын айтып отсың  
Көздерің түсіп жүр-ау қайда, аға?  
Жарқын-ау, Қызылжарда журналистсің,  
Атағың шығып жүр гой сай далама.  
Айтқаныңды газетке жазып жүрші  
Айтыста айта бермей жай балама.  
Осыларды газетке жазбасаңыз,  
Журналист болғаныңнан пайда бар ма?!

**ЖАРҚЫН:**

Мамандығым журналист болғанан соң,  
Жауабынды інішек дөп беремін.  
Бір кездері журналист болып едім,  
Сондықтан інім мені шектемегін.  
Сол жұмыстан мен пәтүе таба алмадым,  
Ол енді өтіп кеткен көктем едім.  
Қазіргі журналисттер мақтаушылар,  
Осылай оларды да өткеремін.  
Мақтау жаза алмайтын болғанан соң,  
Мәдениетке ауысып кеткен едім.

Мұхаммед, айналайын ақын інім,  
Мен саған айтайыншы бір-ақ дерек.  
Төрешіде Зейнолла ағам отыр,  
Бұл ағама жазатын сынау керек.  
Зекең ағам атақты жазушы еді,  
Міне осындағы қазаққа ұл-ау керек.  
Журналисттер неге мақтау жазатынын,  
Зейнолла ағамыздан сұрау керек.

## **ЖАРҚЫН ЖҰПАРХАН МЕН САНЖАР ТАСТАМБЕКОВТЫң АЙТЫСЫ ЖАРҚЫН:**

Улес қосып жатырмыз тойларыңа,  
Қара елеңнің қонайық заңғарына.  
Төрешілер Құдай-ау, таңқалдым мен,  
Финал жаққа жасаған талғамына.  
Міна менің ағайын жіберіпті,  
Май шабақты ілдіріп қармағыма.  
Жоқ әлде бүл Жарқынға жарайды деп,  
Санжарды қарсылас қып салғаны ма?  
Жұмабекпен айтыстырса жарап еді,  
Ой қосып отыратын ойларыма.  
Не де болса көрейін мен кесіліп,  
Не күтіп тұрғандығын алда мына.  
Құлынымды ертіп ап шыға келдім,  
Алла деп ағайындар алдарыңа.

Айтысты мен бастайын Санжарменен,  
Ағалармен айтысу арман дер ем.  
Бостандықтан келген соң айтысуга,  
Барлық айла тәсілінді қолдан дер ем.  
Мен өзіңе інішек тиіспеймін,  
Асып кетсе көрерміз айлаң менен.  
Тәуелсіздік айтысына келген кезде,  
Айтысатын болдым ғой балдарменен.

Алла деп ақ сөйлесем аламанда,  
Қызыл тілім көмейдегі терлейді де.  
Төрешіге айтатын уәжім бар,  
Жарқындей ақынына сенбейді ме.  
Ақын ұлым кесілсін десе егер,  
Жұмабекті жұп қылып бермейді ме.  
Ал енді Мұхаметте жас ақын ед.  
Ол жағын ағаларым көрмейді де.  
Мәселе жаста емес ақындықта,  
Нагыз ақын биікке өрлейді де.  
Бірақ та төрешілер әділ болса,  
Қос баланы жұп қылып жермейді ме?

Жөн болар інілерге түкірмеген,  
Жоқ жерінді інішек бүтіндер ем.  
Жаудіреп мына бала қарап отыр,  
Қорқып отқан баланың сұрқын көрем.  
Тәуелсіздік айттысына келген кезде,  
Айттысатын болдым гой үтірменен.

### **САНЖАР:**

Пейлі ағалардың кең болады,  
Ақылы кейінгіге ем болады.  
Өзіңдей май шабақтар дедің, аға,  
Қалайша бекіреге тең болады.  
Егерде біле білсең сол бекіре,  
Бір құні шағалаға жем болады.

Тәсілін бұл айттыстың тауып көрем,  
Ал енді мықтыменен шауып келем.  
Үзенгі ағалармен қақтан сайын,  
Атымнан домалап-ақ ауып келем.  
Ағайын қолды соғып қолдап отыр,  
Мына мен барлығынды жақсы көрем.  
Өзімді майшабақта тенер болсам,  
Ағамды бекіредей балық дер ем.  
Бірақ та кішілердің қүрек тісі,  
Мықтылау болатыны анық дер ем.  
Бас салып жағаңыздан алмасам да,  
Ақырын балағынан қауып көрем.

Өнерде келе жатқан топты жарып,  
Ағамды бүгін жатыр елім танып.  
Құтындаш құттырасың тулкідейін,  
Жолығар өлмегенге өлі балық.  
Фархаттай ағаменен бірге оқыдың,  
Өмірге ұлы өнердің жолын салып.  
Бірақ та таң қаламың екі ағамның,  
Бірі толық болғанда, бірі арық.  
Студент кездерінде жеп жүрдің бе,  
Фархаттың бар тамағын тартып алып.

### **ЖАРҚЫН:**

Демеймін інілерді сынау керек,  
Інілер ағаларға ұнау керек.  
Фархаттай ағаң сенің арық болса,  
Мен саған айттынышы бір-ақ дерек.  
Еш тамағын ағамның жегенім жоқ,

Оның енді тамағы кім-ау керек.  
Фархат ағаң мен сеқілді болу үшін,  
Үйленсін оған жақсы қыз-ау керек.  
Одан кейін інішек тойынбаса,  
Мына сенің мамаңнаң сұрау керек.

Толықсың деп сен дағы айтып жатсың,  
Олай енді айтпағын агаларға-ай.  
Санжарым інім менің қасымдағы,  
Соңыммен еріп менің шаба аларма-ай.  
Ағайын Жарқын ұлың қарағай гой,  
Қарағайдай Санжарлар бола аларма-ай.  
Ал інім көтеріп сен әкеткейсін,  
Ағанды тау көтерген толағайдай.

Ақындар аламанда көсілгенде,  
Атбасын тарихқа бұрып тұrap.  
Аталармен апалар келіп отыр,  
Бұл жандар әрбір сөзді ұғып тұrap.  
Жастарымыз келіпті осы айтысқа,  
Оларды біздің айтыс қызықтырап.  
Бірақ әкимматтан бір адам жоқ,  
Осыны ойлап сағымыз мынып тұrap.  
Айтыс десе бұл қоғамда кей көкелер,  
Миығынан менсінбей күліп тұrap.  
Бірақ, мен осында отыр деп ойлаймын,  
Қызылжарлық ұлт жанды руқтылар.

Шындық айтсам көкшенің өр еліне,  
Ақын ұлға шабытты береді ме.  
А Корпусының жалақысы өсед дейді,  
Жоғарғының сенер болсақ дерегіне.  
Ойпырым-ай, ақшасы көп А корпусқа,  
Әкім, басшы, депудаттар енеді де.  
Доллырлап айлық алған агаларға,  
Елу пайыз тағы қосып береді де.  
Сонда мен басшыларға таң қаламын,  
Бай баласының қарны тойсын дегені ме?  
Тоқ бала аш баламен ойнамайды,  
Енді оларға басқаның керегі не?  
Қара халық біз отырған С корпусы,  
Қырық мыңға күнін жайлап көреді де.  
Сонда ағайын біз отырған бұл корпусқа,  
Сексен мың алатын күн келеді ме?  
Бірақ та біздерге елім сабыр керек,

Сабыр түбі сары алтын демеді ме.  
Алла деп адап істеп жүре берсек,  
Бізге де сол бір күндер келеді де.  
Біздің үкімет жемқорлықты заңмен емес,  
Ақшаларын кебейтіп женеді ме?

Былышты біз айтамыз қоғамдағы,  
Анықталып барады бағамдары.  
Ақын болып өмірге келгеннен соң,  
Ақын ұлың ертеңе алаңдады.  
Кеше бізге сенім артқан Мағжан еді,  
Бұғынгілер Мағжандай бола алмады.  
Бірақ та осы айтысқа келіп отыр,  
Жақсылар сенім артар қоғамдағы.  
Ана тілім ағайын қазақ тілім,  
Тұғырына бұл күнде қона алмады.  
Дініміздің де жағдайы жақсы емес,  
Жамандар бегет болып жалаңдады.  
Осыларды әкиматқа жеткізсінші,  
Осыларды солардың шабарманы.

Санжарды бүгін өзім оятайын,  
Күміспен алтындарға балатайын.  
Ал енді әрмен қарай сөйлеп жібер,  
Қасымдағы сары ауыз балапаным.

### **САНЖАР:**

Өзімді жақыннатқан алыс пенен,  
Құрбымен құрдас пенен таныс пенен.  
Ауылдың аманатын алып келгем,  
Қарсыластан қорықпай жарыс деген.  
Балапан деп мына мені мазақтамай,  
Ауызыңыз қисайа ма барыс десен.

Ағасы сен қалайсың мен дегенде,  
Зәре жоқ мына менде сен дегенде.  
Айтысқа ағамменен шыға қалдым,  
Жолығар өлі балық өлмегенге.  
Сонда да тірлік жасап көрейінші,  
Тұлпарды тұлпар демес желмегенде.  
Биікке қалықтаған қыраныңмын,  
Жел есер қанатынан сермегенде.  
Кімменен айтыс жасап қиратар ең,  
Мына мен бостандықта келмегенде.  
Қаланың мықтысымен сахнада,

Айтысам жиырма сағат кем дегенде.  
Алайын деп отыр едім бірінші орын,  
Қасыма сен қоқып келмегендө.

### **ЖАРҚЫН:**

Санжар інім келгенде,  
Қай бағытқа желеiйін?  
Тұғанымдайсың сен менің,  
Бұлкілдейді көмейім.  
Айналайын, інішек,  
Өсе берсін мереiйін.  
Шабатты бала бола алсаң,  
Жолында қалай бөгейін.  
Бірінші орын дедің ба,  
Ойланып оны көреiйін.  
Ағасы менің досым ед,  
Мен өзіңе сенеiйін.  
Ақыны бол қазақтың,  
Женсінді көреiйін.  
Жолыңа сенің тұрмастан,  
Жолымды саған берейін.

Айналайын, інішек,  
Жұлдызынды жағарсың.  
Бірінші орын дедің ғой,  
Оны дағы аларсын.  
Ауылыңа содан соң,  
Күлім қағып баарсың.  
Оқушысың сен рас,  
Білімінді аларсың.  
Айтыстан біздер кеткенде,  
Жұлдызынды жағарсың.  
Мен төреші болғанда,  
Құлагердей кесіліп,  
Ерке есілдей есіліп,  
Құйыннатып шабарсың.  
Анаң сені өсірген,  
Оны да еске аларсың.  
Жұлдеге берген ақшага,  
Мамаңа бір ғұл ала баарсың.

Қызылжар деген ел еді,  
Ақынды жақсы көреді.  
Санжар бала бірінші,  
Оны халық көреді.

Қазір саған бас жүлде,  
Қырық мың інім тәңгөні,  
Аян ағам береді.  
Оқушысың сен інім,  
Ол ақша саған кеп еді.  
Сондықтан да ағайын,  
Ағаға көніл бөледі.  
Жолын берген ағаға,  
Жарты ақшаны береді.

**САНЖАР:**

Жарқын аға мереійің аса берсін,  
Беремін деп айттың ба орынымды.  
Жолын беріп шынымен мына ағам,  
Күрт өзгерпіл жіберді өмірімді.  
Айтыста мен соңыңнан еріп келіп,  
Өшірмейін деп аға жалыныңды.  
Рахмет ағатай мен айтамын,  
Көрсеттің ақынға сай дарыныңды.  
Ал ендеше, ағатай сен де аман бол,  
Ақтауға тырысамын сенімінді.



## Жарқын Жұпархан

1987 жылы қазанның 15-ші жүлдөзін да Монголияның Баян-Өлтөр аймағының Улан-хус сумынында дүниеге келген. 2005 жылы атамекенге қоныс аударған. Ал 2011 жылы М. Қозыбаев атындағы СҚМУ-дың Журналистика мамандығы бойынша тәмамдаған.

Ал қазіргі уақытта облыстық халық шығармашылығы және мәдени – демалыс қызметінің орталығының, қазақ белемінде қызмет атқарады. Әлеңдері облыстық газет-журналдарда тұрақты жарық көріп тұрады. «Астананың ғүлденуі – Қазақстанның ғүлденуі» тақырыбындағы облыстық рефераттар байқауының бас жүлдегері және I- ші дәрежелі облыс әкімінің төсбелгісімен марапатталған.(2008ж). «Жас Отан» жастар қанаты Петропавл қалалық филиалының үйымдастыруымен еткен «жырдың мәні тереңде» атты жазба ақындар сайсының I-ші орын иегері.(2009ж). Астананың 10 жылдығына арналған қалалық V-ші жазба ақындар арасында еткен мүшайрада II-ші орын.(2008ж). «Мен жастарға сенемін» қалалық Мағжан оқуларында II-ші орын.(2008ж). Көркем әдебиетті насиҳаттауды жандандыру мақсатында еткізілген қалалық Оралхан Бекей атындағы көркемсөз оку шеберлерінің байқауында III-ші орын.(2009ж). ҚР-ның Конституция күніне және Қазақстан халқы тілдерінің фестиваліне орайластырып еткізілген «Жігіт сұлтаны» қалалық байқауының «Гран-При» жүлдесінің иегері.(2009 ж). Тұнғыш тіл заңының қабылданғанына 20 жыл толуына және Қазақстан халқы тілдері күніне орай Шал ақын ауданында еткізілген аймақтық ақындар айттысының III-ші орын иегері. ҚР-ның мәдениет және ақпарат министрлігінің үйымдастыруымен еткен «Мениң Қазақстаным, менің жерім» атты республикалық жас өнерпаздардың шығармашылық конкурсында II - ші орын иегері.(2009ж). Мұқағали Мақатаев атындағы III-ші облыстық байқаудың «Гран -при» жүлдесінің иегері.(2009ж). Қазақстан Республикасы Тәуеклісіздігінің 20 жылдығына арналға және Мұқағали Мақатаевтың туғанына 80 жыл толуы мерей тойына арналған «Мұқағалидай ақыны бар халық бақытты» атты аймақтық ақындар айттысында II-ші орын.(2011). Академик, жазушы С. Мұқановтың туғанына 110 жыл толуна орай еткізілген аймақтық ақындар айттысында III-ші орын.(2010ж). Солтүстік Қазақстан облысы жастарының I-ші шығармашылық «Жас дарын» фестиваліде II-ші дәрежелі дипломмен марапатталған.(2010ж). Қазақстан Республикасының Тәуелсіздік күніне арналған аймақтық ақындар айттысында I-ші орын. (2010ж). Құлсары батыр Беріұлы мазарының ашылуына арналған аймақтық ақындар

айтысында II-ші орын.(2011ж). Облыстық М.Жұмабев атындағы «Мен жастарға сенемін» байқауының I-ші орын.(2011ж). Тәуелсіздіктің 20 жылдығына арналған қалалық ақындар айтысында III-ші орын.(2011ж). Наурыз мейрамы қарсаңында өткізілген «Тәуелсіздік тұғырым» атты аймақтық ақындар айтысында I-ші орын.(2011ж).

Қазақтың айгілі жазушысы Ғабит Мұсіреповтің туғанына 110 жыл толуына орайластырып өткізілген облыстық ақындар айтысының «Гран - При» жүлдесінің иегері. Сомен бірге осы тойға орайластырылған облыстық мұшайраның 2-ші орын иегері.(2012ж). Тәуелсіздік мейрамына орайластырылып өткізілген аймақтық ақындар айтысының «Бас жүлде» иегері. (2012ж). Қажаберген жыраудың 350 жылдығына арналған «Елім-ай!» деп өткен есіл ер» атты республикалық жыр мұшайрасында, Ғабит Мұсірепов атындағы арнайы жүлдемен марапатталған.(2013ж) Қекшетау қаласында, Абылай ханның 300 жылдығы және тәуелсіздік мерекесіне орайластырылып өткізілген аймақтық ақындар айтысының 2-ші орын иегері.(2013ж). Қызылжар қаласында тәуелсіздік мерекесіне арналған облыстық ақындар айтысының бас жүлдесінің иегері. (2013ж). Өлеңдері «Қызырлы Қызылжар» атты облыстық жас ақындардың жыр жинағында жарық көрген.